

САМУРДИН сес

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

ГОЛОС САМУРА

Газет 1951- йисалай акъатзава. № 41 (8193) киш, 16- сентябрь, 2023- йис. Къимет 6 манат



Суварин тебрик

ГЪУЪРМЕТЛУ районэгълияр! За квез Дагъустандин халкъарин Садвиллин сувар риклин сидкъидай мубаракзава.

И сувари вири дагъустанвиър сад ийизва ва гзаф миллетрин республикадин агъалийрин ислягъвилехъ, стхавилелди яшамии хъунихъ, бубайрин лап

*хъсан адетар хъунихъ ва да-
вamarунихъ авай чалишимии-
вал мадни мягъкемарзава.*

*1999- йисан сентябрдиз
гуьгъуьллу дагъустанвиър
уьлкведеин Яракълу Къуват-
рин куьмек аваз чи республи-
кадиз сукулмиш хъайи меж-
дународный бандитрин
клеретIар кукIварун ва меж-
дународный террористрал
гъалиб хъун лап чIехи ва
рикIелай алат тийидай, чи
садвал мадни мягъкемарай
вакъиа хъана.*

*Гъуьрметлу районэгълияр!
Къуй квехъ мягъкем сагъвал,
хизандин хушбахтвал ва па-
кадин экуь йикъахъ инан-
мишвал хъурай. Къуй чи хал-
къарин садвал мадни мягъ-
кем хъурай.*

**«Магъарамдхуьруьн
район» МР-дин къил,
Ф. АГЪМЕДОВ.**

2023- МАГЪАРАМДХУЪРУЪН РАЙОНДИН 80 ЙИСАН ЮБИЛЕЙДИН ЙИС Я!

АЛАЙ ЙИСАН 14- октябрьдиз райондин центрда Магъарамдхуьруьн район тешкил хъайидалай инихъ 80 йис тамам хъунин юбилей шад гъалара къейдда. И лишанлу вақиадиз талукъ яз «Самурдин сес» газетдин

чинра чеб жуьреба-жуьре йисара райондин къиле акъвазай регъберрикай ва район яшайишдинни экономикадин ва культурадин рекъай вилик тухуник чпин лайихлу пай кутур КПСС-дин партиядин, дяведеин ва зегъметдин ветеранрикай макъалаяр,

къилди ксарин рикел хкунар гузва.

Магъарамдхуьруьн район 1943- йисан 17- декабрдилай, яни Оргбюро тешкилай йикъалай арадал атайди яз гъисабзава. Оргбюро, райсоветдин

2023- МАГЪАРАМДХУЪРУЪН РАЙОНДИН 80 ЙИСАН ЮБИЛЕЙДИН ЙИС Я!

1 ←

сессия эвер гуналди, тешкиллувилдин месэлайриз килигзавай. Магъарамдхуъруън райондин райсоветдин сад лагъай сессия 1944- йисан 6- февралдиз къиле фена. Сессиядин къвалахда депутатрилай гъейри хуьре-

рин Советри ва колхозрин председателри, школайрин директорри, парторгри, комсомолдин ва идарайрин руководителри иштиракнай. Сессия тешкиллувилдин месэлайриз килигна. Райсоветдин исполкомдин председателвиле Бачханов Мегърали Букарович

хкяна. Сессиядал гъақ, председателдин заместитель, райсоветдин исполкомдин секретарь, отделрин заведующияр тестикъарна.

Гъа ик! цийиз тешкил хъайи Магъарамдхуъруън райондин къиле Мегърали Букарович Бачханов акъвазна.

РАСУЛ ГЪАМЗАТОВАН 100 – ЙИС



ДАГЪУСТАНДИН халкъдин шаир Расул Гъамзатован 100-йисан юбилейдиз талукъарнавай мярекатар, алай йисуз вири республикада хъиз, Магъарамдхуъруън райондин культурадин маканра, школайра, аялрин бахчайра, библиотекайра лап хъсандиз къиле тухузва. Расул Гъамзатов ХХ-

асирда Дагъустандай акъатнавай шаиррикай, Стлал Сулейманалай гуьгъуьниз, виридалайни гзаф машгурвал къазанмишай ксарикай сад я. Ада неинки вичин авар халкъ, гъақ! вири республика дуьньядиз машгурна. Расул Гъамзатован поэзия хайи члалаз, хайи чилиз, хайи Ватандиз, диде-бубайриз, мукъва-къи-

лийриз, ислягъвилез, дуствилиз вафалу хъуниз эвер гуникай ибарат я.

Алай йисуз шаир дидедиз хъайидалай инихъ 100- йис тамам жезва. И вакъиадихъ галаз алакълу яз чи районда пландин бинедаллаз гъар са яратмишунин коллективда мярекатар къиле тухузва. Магъарамдхуъруън райондин библиотекайра Расул Гъамзатован 100- йисан юбилейдиз талукъарнавай мярекатар лап активныйдаказ къиле тухвана. Зун заз мукъвал тир хуъруън библиотекада къиле феи вечердиз фена. Мярекат къиле физвай кабинет Расул Гъамзатован суьретралди, табрин выставкайралди, шаирдин уьмуьрдикай ва яратмишунрикай кхъенвай газетралди безетмишнавай. Вечердал шаирдин яратмишунрин къвалахдикай суьгъбетар авунай, Магъарамдхуъруън юкъван школадин ученикри Расул Гъамзатован машгур шиирар клелна, шаирдикай кхъенвай гъикаяяр рикел хкана, адан уьмуьрдин рекин къилин уламар ачухна. Вечердин иштиракчийриз школадин аялри са гъвечли концертни гана, шаирдин шиирар хуралай клелна.

→ 3

РАСУЛ ГЪАМЗАТОВАН 100 – ЙИС

2 ←

Россиядин халкъарин адетдин культурадин центрадин фойеда 100- йисан юбилейдиз талукъарнавай еке межлис къиле тухвана. Межлис МКУК- дин культурадин отделдин директор Эседуллагъ Селимова ачухна. Ада вичин рахунра шаирдин зурбавал, къагъриманвал, ватанпересвал хъиз, адан ватандин, ам дидедиз хъайи дагъларин юкъва авай тебиатдин ажайиб пиплен тарифар, маса къетленвилерикай яргъалди рахана. Мярекатда райондин векилри, аялри ва малимри, идарайрай шииратдал рикл алай ксари, манидарри, ашукъри, хуърерай атай мугъманри иштиракна. Межлисдин эхирдай чи манидарри Расул Гъамзатован шиирриз кхъенвай маниярни лагъана.

«Солнышко» бахчадин аялри иллаки чи фикир чпел желб-



завай. Абуру авур къуълери мярекат мадни гурлу авуна.

28 лагъай сентябрдиз Москва шеърда Гъукматдин Кремлдин дворецда Расул Гъамзатован 100 йисаз талукъарнавай еке межлис къиле фида. Аниз Дагъустан Республикадин культурадин министр Зарема Бутаевадин теклифдалди

Республикадин Правительстводин премиядин лауреат ашукъ Айдуно юбилейдин программатик кутунва. Москвадин агъалйириз лезги чуьнгурдин гъунар виниз тир дережада къалурдайвал, ада вичин нумрадал квалахзава.

ЖАННА.



ЭТИМ ЭМИНАН - 185 ЙИС

Эминан чирагъдин нур-ишигъ къуд патаз чиклизва



ЗАЭ Эминакай сифте зи диде Туькезбана лагъай манидай ван хъана. А манида ихътин гафар авай :

*-Къамат я чинар,
Сифет я мрамар.
Эминан чалар
Гъич жеч тапарар.
Юкъ къизил- камар.
Эй, зи гуьзел яр!
Мумкин ятла ваз,
Зун яр яхъ жуваз...*

За хабар къазва: -Я диде, Эмин вуж я? Ам Куьредаи я, чан хва, вични кайи-хъукъвай шаир.. Йисар алатна. Тагъирхуьруьн къазмайрин юкъван школада клелдайла, лезги литературадин тарсара, рагъметлу Гъасанов Теймуршагъ малимди, чаз аялриз, Етим Эминан уьмуьрдин рекъикай ва адан яратмишунрикай геъенш суьгъбет авунай...

Етим Эминан твар, адан шиирар хуралай чин тийидай кас бажагъат ава чи лезги хуьрера. Вучиз Эминаз икъван гуьрмет ава лезги халкъдин арада? Адан себеб вуч я? Ваъ, ваъ, кимерал фейила, бязи яшлу хъанвай, веледрикай рикл ханвай бубайрин мецерилай ихътин цларарин вачер къведа:

-«Буба хъиз муьгътеж тахъуй, стхаяр...» Къвалавай муькуьда алава хъийизва:

«Гъил гъилизни муьгътеж тахъуй, стхаяр...» (Е.Э. «Стхаяр»- шиирдай).

Эхъ, шаирдивай инсанрин бейнидиз, риклериз таъсириз алакьна, абурун риклерин назик гъиссер юзурна. «Буба хъиз муьгътеж тахъуй, стхаяр!»- лугъуз эверзавай Эмин эхирдай вич езнедиз муьгътеж хъана. Чехи руш Къизхануман гуьллуь лап къекъверагвилизи аватай шаирдин хизандиз куьмекар гузва. Эмина вич рагъметдиз фидалди, халкъдиз михъвилелди къуллугъна; гъахъвал, дуьзвал раижзавай девирдин чавуш хъана.

Лугъуда хъи, лекъ къарагъай чкадал цлакул аламукъда. Мегъамед-Эминни вичин атабубайрал атайди хъана. Севзихан- Эминан буба савадлу итим тир, вични ирид хуьруьн къази. Севзиханан буба Желилани ва гъадан буба Абукарани чалар туьклуьрдай, шаирвилин гъисс авай савадлу инсанар тир. Эмина сифтегъан клел-кхъин, чирвилер вичин бубадивай къачуна. Гуьгъуьнай Къеандал, Алкъвад-рал Гъажи Абдуллагъ-Эфендин гъилик, яргъалди Гъажи Исмаил-Эфендиндин медреседа клелзава. Келунихъ ялалмишзавай жегъилдиз Ахъега Мирзе Алидин медреседа давамариз кланзава, амма къисметдин чарх элкъвена, буба рагъметдиз физва. Куьре округдин дуванханада авай гъакимрин меслятдалди Мегъамед-Эминакай вичин буба Севзиханан чкадал Ялцугъа къази жезва. Эмин, адан шииррай чна къатлузвайвал пара дугъри, рагъимлу, эдеблу, дуьзвал, адалат гвай къази хъана. Ихътин къилихди, гъелбетда, адан къазивилиз еке таъсир авуна.

Стал Сулеймана пислеме-шай судуяр хъиз, ам иблисди худда твадайди, стха кана сура твадайди, къве манат пул гъута тун тавуртла, дуван къилиз акъуд тийидайди хъанач. Ам вич килигзавай суддин крариз эдеб, марифат фикирда аваз килигиз хъана. Бязи вахтара ам шариятдин къанунризни акси экъечлизи хъана. Гъавилай адаз «гъахъ гвай къази» лугъунни дуьшуьшдин кар туш... «Вирт квахънавайдаз» шиирда къвалел алай лежбер Асланан тереф хуьзва шаирди. Вирт туьнвайди Аслан тирди чизчиз... Гъелбетда, ихътин къази вилик-къилик квайбуруз хуш жедач, адан япарихъ гъар жуьредин ихтилатар галукъиз, арзаяр кхъиз хъана... Эминаз гзаф дустар хъайиди чна адан шииррайни къатлузва. Абурукай виридалайни вафалу дуст Зульфукъаров Къазанфар я... Етим Эминан уьмуьр чирун патал Зульфукъаров Къазанфаран гъам шиирдихъ, гъамни ам кхъей тарихдихъ (1871-й.) еке метлеб ава. Шиирдин метлеб адакай ибарат я хъи, ада Етим Эминаз халкъди гъадан аямда гъихътин къимет гузватла, малумарзава, Къазанфар Эминахъ галаз «Эй азиз» лугъуз рахазва. Къазанфаран къаст вичинни Эминан «дуствал эбеди» хъунухъ я. Къазанфаран шиирдин виридалайни важиблу чка, шаирдиз хъиз, Эминазни ганвай къимет я:

*- На куьклуьрна, стха, вун
Аллагъди хуьй,*

*Дели-диванадиз чирагъ,
эй азиз...*

➔ 6

ДИН ва ИНСАН



ГАЗЕТДИЗ ЧАР

Самурдин сес газетдин

редакциядиз

ГЪУЪРМЕТЛУ «Самурдин сес» газетдин редакция!

И чар кхызвайди, квез гъамиша гъурметзавай Гъабиддин я.

Заз ихтин суал къезва? Эгер Исламдин дин сад ятга, ам виринра- хуьрера, шегъерра сад хъун, са адет хъун лазим я. Са чкайра жуьмяяр лугъуз гурлу тугънар гузва. Маса чкайра пуд йифер лугъуз куьк ашарни шурваяр гузва. Са чкайра 51, 52, 53 жезва, генани мехъеррин хътин тугънар гузва. Маса чкайра 40 жезва- тугънар гузва. Фекъийриз мейит чуьхвейлани пул, гъакъи гузва. Сур-къул атгайбуруз пул гузва. ИкI жедай кIвалахар яни- са адет хъун лазим я. Варлу ксар (деветлугур)

къейила, фекъийри ясин эхирдал къван кIелда, яргъалди ихтилатар ийида. Кесибар къейила, ясиндин «куьруь вариант» кIелда. Гъа икI хъайила, кесибарни мажбур жезва авай-авачир кални тугIуна хуьруьз тугънар гуниз.

Башсагълугъвал сурарал аламаз гудани, тахъайтга, несидин гъаятдал? Сад Аллагъдин ктабда гъикI кхъенва?

Йа Аллагъ лугъузва за, яраб са адет авайди туш жал?

РЕДАКЦИЯДИН

ПАТАЙ

ГЪУЪРМЕТЛУ Гъабиддин стха, винидихъ чапнавай куь чарчяй аквазвайвал, чи диндин са бязи адетри квехъ

ахълу наразивал кутазва. Ачухдиз лагъайтга, и жигъетдай са куь наразивал авач. Наразибур пара ава. Куьне чи вилик эцигнавай суалрилай чи жаваб куьруьди жеда. Вучиз лагъайтга, а вижесуз адетрин гъакъиндай чна рахунар ва кхъинар гзаф авуна. Амма... файда авач.

Куьне винидихъ гъисабнавай адетар гъич садни Ислам диндихъ галаз алакъа авайбур туш. И адетар арадиз гъизвайбурни чун я, абур тергна кIанзавайбурни чун. Чун вуьжар?

Им четин суал я. Ибур я указралди, приказралди арадиз гъиз, я тахъайтга, арадай акъудиз жедай меслятар туш. Диндихъ галаз гужуналди алакъалу ийизвай и адетар арадиз гъизвайбур ва абур къиле тухузвайбур чи хуьрера дин къиле тухузвай ругъанияр я. Абур гъикъван авам ва невс авайбур хъайитга, и кIтай адетри гъакъван гзаф цуьк акъудда.

Им чи жаваб я квез, Гъабиддин стха.

СУФИЙРИН ХАЗИНАДАЙ

Пачагълугъдин къимет

БАЯЗИД падишагъ есирвиле гъатна. Ам дяве физвай майдандилай дуьз Тамерланан (Къеџли Тимуран) патав хкана.

Баязидаз са вил авайди акур Тимур, ван акъатна, хуьурена. Хъел атай Баязида адавай хабар къуна:

-Вун вучиз хуьурезва? Гъелбетда, вавай зал хуь-

рез жеда, зал гъалибвал къазанмишна лагъана. Амма, вуна фикир це садра, и зун алай чкадал вунни хуьруьн мумкин тир. Падишагърин тахтунин къисметарни Аллагъдила аслу я. Им вун Аллагъдин къисметдал хуьурезва лагъай чIал жезвачни?

Вич-вичел хтай Тимура жаваб гана:

-Гъа и фикирди зав хуьурезни туна. Дугъриданни, падишагъринни абурун пачагълугърин къисметар Адан гъиле ава. Амма, пачагълугърин къисметрив Ам къайгъусуздив эгечIзавай хъиз я заз, гъикI хъи, са вил авайдавай пачагълугъ вахчуна, Халикъди ам са кIвач квайдав вуьгана...

ЭТИМ ЭМИНАН - 185 ЙИС

Эминан чирагъдин нур-ишигъ къуд патаз чиклизва

4 ←

Заманаяр пара дегиш хъанатлани, къедалдини Зульфихъарова атлай къимет гъакъикъат дуъз къалурзавайди яз ама. Эмин кесиб халкъдин лап хъсан векил яз хъана, дели-диванайрин вилер ачухарзавай, абуруз чпин гъалагъвал къалурзавай чирагъ яз хъана. Гъа иниз килигна адаз лезги халкъди вичин рикI алай шаир я лугъузва.

Са къвалах къейд тавуна жедач: шаирдиз араб, туьрк, фарс чIалар лап хъсандиз чизвайтлани, ада вичин шаирар лезги чIалалди кхъиз хъана, яни араб гъарфари-кай менфят къачуна-лезги гафара-лди. Эминан шаирра гзаф дерт, гъам-хажалат ава: кесиб халкъдин шел-хвалдикай гзаф теснифнава. Адан гъар са шаирдай ам яшамаш хъайи девир, халкъдин гъал- агъвал гуъзгуъдай хъиз аквазва, сагъ са девир къалурнава. Эминан шаирар къвалин пипIай-пипIиз физ, багъдин цару серинрик яратмишнач, акси яз ам халкъдин арада хъана, вичин вилералди акуна,

ругъди кужумна, гъар са агъвалат бейниди къачуна... Етим Эмина азербайжан чIалалдини шаирар кхъейдини малум я. Дуъньядин муъгъуьббатдин лирикадин лап зурба устадрикай сад тир Физулидиз, Азербайжандин классик Вакъифаз, туьркменрин поэзиядин лап зурба устад Махтумкъулидиз шаирар кхъенва. А шаирарни лезги чIалаз Гъалиб Садикъиди таржума авуна...

Эминан муъгъуьббатдин лирикади къетIен чка къазва. Вичин лирикада ада муъгъуьббатдин михъивал ва вафалувал, дишегъли багъаз къун, адан хатур хуьн къалурзава. Эминан девирда дишегълидин тариф авун акъван регъят кар тушир, ятIани шаир шариатдиз, девирдин къанунриз муьтIуьгъ хъанач. Эминан чIалар еке устадвилелди туькIурнавайбур я. Абурухъ къетIен гуьрчегвал, къешенгвал ава. Везиндихъ аламатдин цIалцIамвал, суьретрихъ гужлувал, чIал лагъайтIа, регъятдиз кIелиз

жедайди, муькуь патахъай, вичиз тешпигъ авачир авазлувал ава.

Лугъун лазим я, Эминан шаирриз экуь дуънья Советрин девирда акуна. 1927- йисуз Москвада лезги шаиррин шаиррин къватIал Гъажибег Гъажибегован зегъметдалди акъуднай. Гъа вахтундилай инихъди шаирдин са шумуд ктаб чапдай акъатна ва акъатни хъийида...

Урусин зурба шаир Николай Тихонова лагъанай: - Етим Эминан лезги миллетдиз вичин Эминан чIал туна, адани, Пушкинан чIала Урусатда хъиз, лезги литература вилик финиз бегъерлу таъсир авуна. Эминан уьмуьрдин эхиримжи йисар гзаф четинбур хъанатлани, ада куькIуьрай чирагъ къени кузма, а чирагъдин нур-ишигъ къуд патаз чиклизва, ишигъди датIана гележегдин несилриз экуь, шегъре рехъ къалурзава...

Аллагъяр
АБДУЛГЪАЛИМОВ.

ВНИМАНИЮ

перевозчиков и руководителей объектов транспортной инфраструктуры (автовокзалов, автостанций)

ОБЩЕСТВЕННЫЙ транспорт и объекты транспортной инфраструктуры должны соответствовать строгим требованиям и иметь необходимое оснащение, чтобы быть пригодными для перевозки пассажиров с ограниченными возможностями (инвалидов).

Требования эти регламентируются статьей 15 Федерального закона от 24 ноября 1995 г. N 181-ФЗ "О социальной защите инвалидов в Российской Федерации", статьей 21.1. Устава автомобильного транспорта и городского наземного электрического транспорта.

Приказом Минтранса России от 20.09.2021 № 321 утвержден Порядок обеспечения перевозчиками условий доступности транспортных средств для пассажиров из числа инвалидов, предоставляемых услуг автовокзалами, автостанциями, а также оказания им при этом необходимой помощи.

В частности, автовокзалами, автостанциями обеспечивается оборудование низкорасположенными телефонами с функцией регулирования громкости, текстфонами, без дополнительной платы оказание помощи при их передвижении по территории, в том числе при входе - выходе в (из) транспортное (го) средство (а), до места посадки и от места высадки, при оформлении, получении багажа, допуск собаки-проводника при наличии специального документа.

Перевозчиком в транспортном средстве, в том числе при перевозке по заказу, без взимания дополнительной платы обеспечивается их посадка – высадка в (из) транспортное(го) средство(а), провоз собак-проводников при наличии специального документа, перевозка кресла-коляски.

Транспортное средство оснащается надписями, иной текстовой и графической информацией, выполненной крупным шрифтом, в том чис-

ле с применением рельефно-точечного шрифта Брайля.

В соответствии с утвержденным Порядком с 1 марта 2023 г. предусмотрено звуковое и визуальное информирование о расположении на территории автовокзала, автостанции кнопки вызова персонала, об остановке ТС в остановочных пунктах маршрутов регулярных перевозок для посадки и высадки.

За уклонение от исполнения требований по обеспечению доступности для инвалидов объекты транспортной инфраструктуры (автовокзалы, автостанции) и перевозчики несут административную ответственность в соответствии с Кодексом Российской Федерации об административных правонарушениях

Территориальный отдел государственного автодорожного надзора по Республике Дагестан МТУ Ространснадзора по СКФО.

Когда проводится диспансеризация

ПЕРИОДИЧНОСТЬ, с которой гражданин может проходить диспансеризацию, варьируется в зависимости от возраста. Так, с 18 до 39 лет включительно диспансеризация полагается россиянам каждые три года. А после того, как человек отметил свой сороковой день рождения, ее можно проходить каждый год. Ежегодная диспансеризация полагается и отдельным категориям граждан, причем в данном случае возраст пациента значения не имеет.

Также углубленную диспансеризацию могут пройти россияне, переболевшие новой коронавирусной инфекцией. Это прописано в Постановлении Правительства РФ от 18.06.2021 № 927 "О внесении изменений в Программу государственных гарантий бесплатного оказания гражданам медицинской помощи на 2021 год и на плановый период 2022 и 2023 годов". В данном случае осмотр у врачей и комплекс исследований помогают выявить опасные осложнения после перенесенной инфекции.

Какие года попадают

В наступившем 2023 году пройти диспансеризацию могут граждане, которые появились на свет в 1984, 1987, 1990, 1993, 1996, 1999, 2002 или 2005 годах, а также все россияне, возраст которых составляет от 40 лет и старше.

Существует еще один, достаточно простой и универсальный способ подсчитать, кто из граждан в текущем году имеет право на бесплатные анализы и обследования. Если возраст человека без остатка делится на 3 - значит, он может планировать визит в выбранное медучреждение.

К слову, для юных россиян предусмотрена своя программа диспансеризации и отдельный график профилактических осмотров. Например, в возрасте 1 месяца ребенка рекомендуется осмотреть не только педиатру, но также неврологу, хирургу и другим специалистам, а также ему полагается пройти несколько обследо-

ваний (УЗИ, нейросонография и др.).

Где проходит

Пройти диспансеризацию граждане могут в поликлинике или другом медучреждении, к которому они прикреплены по месту жительства. Заранее стоит уточнить в регистратуре время работы кабинетов и расписание работы специалистов, а также, при необходимости, как подготовиться к тому или иному обследованию.

Как записаться и пройти диспансеризацию

Записаться на осмотр можно как непосредственно в регистратуре выбранного медучреждения, так и через портал госуслуг (либо соответствующее приложение). Гражданам также могут приходиться уведомления о том, что в этом году они имеют право пройти диспансеризацию (например, в личном кабинете на портале государственных услуг).

В отдельных городах могут действовать и свои территориальные ресурсы, которые также позволяют гражданам дистанционно записаться на прием к врачу для прохождения диспансеризации. Например, жители столицы для этого могут воспользоваться сайтом mos.ru или порталом ЕМИ-АС.Инфо.

Необходимые документы

Для прохождения диспансеризации потребуется документ, удостоверяющий личность гражданина (паспорт), а также полис ОМС.

Что входит

Перечень обследований, которые гражданин может пройти в рамках диспансеризации, практически идентичен как для женщин, так и для мужчин (предусмотрены лишь отдельные вариации). Данный список может меняться в зависимости от возраста пациента или, к примеру, вследствие перенесенных ранее заболеваний (так, россияне, проходящие осмотр после COVID-19, могут обнаружить в программе диспансеризации ряд дополнительных процедур).

Этапы

Диспансеризация состоит из нескольких этапов. Первый вклю-

чает в себя непосредственно проведение уже подробно описанного выше профилактического медосмотра и визит к врачу-терапевту. На основании данных, полученных в результате всех проведенных анализов и обследований, и будут сделаны выводы о состоянии здоровья человека. Если серьезных поводов для беспокойства нет, то всю полученную по итогам диспансеризации информацию зафиксируют в специальном документе, а также дадут гражданину рекомендации, которые помогут избежать проблем со здоровьем в будущем.

Если же по итогам диспансеризации у врача будет повод заподозрить серьезные проблемы со здоровьем, то человека направят на второй этап, в рамках которого будет проведен ряд дополнительных обследований. Например, при наличии показаний ему может быть проведена ректороманоскопия или колоноскопия, дуплексное сканирование брахицефальных артерий, компьютерная томография легких и прочие виды обследований, а также рекомендовано посещение узких специалистов (хирурга, офтальмолога, уролога и так далее). В зависимости от того, какими будут результаты второго этапа диспансеризации, пациенту может быть назначено соответствующее лечение.

Можно ли отказаться от диспансеризации

Прохождение диспансеризации - процесс полностью добровольный. А значит, каждый человек имеет право отказаться от такого медосмотра полностью или частично (например, пройти одно или несколько обследований, исключив при этом все остальные). Тот факт, что пройти диспансеризацию гражданин решил исключительно по собственному желанию и доброй воле, должен быть подтвержден информированным добровольным согласием, которое заполняет в поликлинике.

**ДОКТОР
ИРАДА ПУЛАТОВА.**



Официальный сайт
 для размещения информации
 о государственных (муниципальных)
 учреждениях
www.bus.gov.ru

Популяризация официального сайта для размещения информации о государственных (муниципальных) учреждениях bus.gov.ru

Сайт bus.gov.ru - официальный сайт для размещения информации о государственных и муниципальных учреждениях в информационно-телекоммуникационной сети «Интернет» обеспечивающий возможность

оставить гражданину отзыв о работе организации культуры и образования, о результатах независимой оценки качества оказания услуг организациями культуры и образования, и о планах по устранению недостатков,


размещённых на bus.gov.ru.

Сведения о качестве деятельности организаций культуры и образования, размещаются на официальном сайте для размещения информации о государственных (муниципальных) учреждениях www.bus.gov.ru.

С результатами независимой оценки качества оказания услуг организациями культуры и образования можно ознакомиться, перейдя по ссылке <https://bus.gov.ru/pub/top-organizations-second>

Сайт www.bus.gov.ru реализует возможность оставить свой отзыв гражданами о качестве услуг, предоставляемых организациями культуры и образования.

КРОССВОРД



1. Лезги литературадин классик шаир. 2. Шаир. 3. Дуъзвал, керчеквал, вафалувал, 4. Зулум, туънбуъгъ. 5. Филдин кӀараб. 6. Лачин. 7. Гъил ачух кас. 8. Деринвал авачир. 9. Мани, гъава, макъам. 10. Чуру къаст- садаз акси крар ийидай ниятар туькӀурун. 11. Буржи, везифахиве къунвай буржи къилиз акъудун. 12. Техил битмишарзавай ник.
ТуькӀурайди А. АТАХАНОВ я.

Къаравилияр

ДУХТУРДИ азарлудаз луъузва:

- Къе къе таблетка къабула. Пака, эгер ахварай аватайтӀа, мад къвед.

ВАГЪИДА аптеkdиз фена хабар къазва.

- Квез тӀарвал тагудай дарман авани?

- Ви гъи чка тӀазва?

- Гъелелиг са чкани, амма дах диде-бубайрин собраниедиз фена...

Ярагъкъазмайрин хуьруьн СОШ-дин 11- класс куьтягъайдан гъакъиндай 1999- йисуз Сейфединова Замирадиз гайи А 3829237- нумрадин аттестат квахъуниз килигна **къуватда амачирди яз гъисабин.**

Къилин редактор
Р.Н. АБДУРАГЪИМОВ.

Редакциядин адрес:
 368780. РД, Магъарамдхуьруьн район, Магъарамдхуьр, Ленинан куьче, 4.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредитель: Администрация муниципального района «Магарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Управлением Роскомнадзора по РД.

Чап ийиз вахкудай вахт - 16.00.
Чапун патал къул чӀугуна- 15.00.

Газетдин регистрациядин нумра- ПИ № ТУ05 - 00438.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги чап.
Индекс 63340. Тираж 1400
Заказ № 41.

6+